



Datum: 23.09.2025.

Predmet: Poziv za preduzeća - DigiBOOST

Naučnoistraživački institut Verlab za biomedicinski inženjering, medicinske uređaje i vještačku inteligenciju (Verlab Institut) u sklopu svoje organizacione jedinice Centar za digitalnu transformaciju (CDT) realizuje javni poziv za prijavu za mikro, mala i srednja preduzeća (MMSP) u sklopu projekta "*Transformacija za konkurentnost: "Digitalno i zeleno"*". Projekat je podržan od Federalnog ministarstva razvoja, poduzetništva i obrta.

1. PREDMET I CILJ JAVNOG POZIVA

Predmet Javnog poziva je izbor MMSP sa sjedištem u Federaciji Bosne i Hercegovine (FBiH), koja su zainteresovana za unapređenje digitalnih procesa i energetske efikasnosti.

Podrška

Zainteresovanim MMSP će biti obezbijeđena tehnička podrška kroz finansiranje provođenja digitalnih audita, sa ciljem identifikacije mogućnosti za unapređenje digitalnih procesa. Pored toga, bit će inicirana razmjena znanja i iskustava MMSP u okviru navedenih oblasti. Tehnička podrška će biti obezbijeđena angažovanjem certifikovanih konsultanata za digitalnu transformaciju.

Period implementacije

Bitni datumi provođenja aktivnosti:

- Rok za podnošenje prijave: od dana objavljivanja na web stranici Verlab Instituta, do izbora pet (5) MMSP zainteresovanih za tehničku podršku, a najkasnije do 17.10.2025.
- Rok za dostavljanje dokumentacije iz tačke 4.1 za odabrana preduzeća: 31.10.2025.
- Period za provođenje digitalnog audita: 01. novembar 2025. - 31. decembar 2025. godine

2. KORISNICI PODRŠKE

Korisnici podrške mogu biti poslovni subjekti koji ispunjavaju sljedeće uslove:

- Da je registrovana u FBiH najkasnije do 01.01.2023. godine;
- Da je u većinskom privatnom vlasništvu;
- Da nije pokrenut prethodni stečajni postupak ili postupak likvidacije;
- Da ima najviše 249 zaposlenih.
- Da je kompanija izmirila sve obaveze po osnovu poreza i doprinosa;
- Da kompanija nije imala zabranu obavljanja djelatnosti u posljednje dvije godine;

- Da pristupi radu u roku od 10 dana od trenutka dodjele certifikovanog konsultanta.

Ispunjenost svih uslova iz tačke 2. Javnog poziva dokazuju se prijavnim obrascem i dokumentacijom iz tačke 4.2. ovog Javnog poziva. Verlab Institut zadržava pravo zahtijevanja dodatnih informacija ili dokumentacije, s ciljem pravilne ocjene prijave.

3. OCJENA PRIJAVA

3.1. Formalna prihvatljivost

Prijave zainteresovanih MMSP će prvo biti ocijenjene na osnovu sljedećih formalnih uslova:

1. Prihvatljivost MSP,
2. Kompletnost i ispravnost prijave,
3. Blagovremenost prijave.

3.2. Izbor MMSP

Izbor MMSP će se vršiti prema specificiranim uslovima iz tačke 3.1. Javnog poziva. Dodatnu prednost pri izboru imat će MMSP koji su učestvovali na obuci „Transformacija za konkurentnost: digitalno i zeleno“, održanoj 11.09.2025. godine, organizovanoj od strane Verlab Instituta u sklopu istog projekta. U granicama raspoloživih finansijskih sredstava, izbor MMSP će se vršiti do izbora 5 korisnika tehničke podrške. Bez obzira na broj izabranih MMSP, a imajući u vidu vremenske okvire Projekta, prijave MMSP koje budu dostavljene nakon isteka krajnjeg roka za dostavljanje prijave iz tačke 1 javnog poziva, neće biti razmatrane.

3.3. Ugovor o saradnji

Izabrani MMSP zaključit će Ugovor o saradnji sa Verlab Institutom kojim će se preciznije utvrditi konkretni oblici i uslovi saradnje, te međusobna prava i obaveze, kao i sa dodjeljenim certifikovanim konsultantom radi povjerljivosti podataka. Ovi Ugovori trebaju biti potpisani najkasnije do kraja oktobra 2025. godine.

4. PODNOŠENJE PRIJAVA

4.1. Način podnošenja prijave

Prijave se dostavljaju popunjavanjem online forme dostupne na linku: <https://forms.gle/p3BBBeE4kwWf4ywB7>.

4.2 Dokumentacija

Preduzeća odabrana za tehničku podršku će biti u obvezi da shodno rokovima definisanim u tački 1 javnog poziva dostave sljedeću dokumentaciju (elektronski na mail cdt@verlabinstitute.com):

1. Kopiju aktuelnog izvoda iz sudskog registra, ne starijeg od tri mjeseca, računajući sa krajnjim datumom za podnošenje prijave iz tačke 1 Javnog poziva (nije potrebno ovjeravati).

2. Kopiju uvjerenja o izmirenim porezima i obvezama zajedno sa listom osiguranih lica izdatu od strane Porezne uprave Federacije Bosne i Hercegovine, ne starijeg od tri mjeseca, računajući sa krajnjim datumom za podnošenje prijava iz tačke 1 Javnog poziva (nije potrebno ovjeravati).

5 KOMUNIKACIJA SA PODNOSIOCIMA PRIJAVA

Svi podnosioci prijava će biti obaviješteni o rezultatima Javnog poziva, odmah nakon okončanja postupka otvaranja i ocjene prijava.

Dodatne informacije po Javnom pozivu mogu se dobiti pisanim putem, na osnovu upita zainteresovanih MMSP, upućenog na mail cdt@verlabinstitute.com.